



**Nasjonalparkstyret
for Jotunheimen
og Utladalen**

Postadresse
Postboks 987
2604 LILLEHAMMER

Besøksadresse
Norsk fjellsenter
Brubakken 2, 2686 Lom
Luster kommune,
Kommunehuset, 6868 Gaupne

Kontakt
Sentralbord: +47 61 26 60 00
Direkte: +47 948 80 564
fmoppst@fylkesmannen.no
<http://www.nasjonalparkstyre.no/jotunheimen>

Gjendebåten v/Harald Rune Øvstedal

Saksbehandler Kari Sveen

Vår ref. 2018/1285-2 432.3

Dykkar ref.

Dato 27.02.2018

Gjendebåten - søknad om dispensasjon for bruk av snøskuter i samband med vedlikehold på brygga i Memurubu

Viser til søknad ved e-post av 26.02.18.

Bakgrunn

Det blir søkt om løyve til bruk av snøskuter på strekninga Gjendesheim-Memurubu i samband med nødvendig transport i samband med vedlikehaldsarbeid på brygga:

«Vi skulle hatt gjort noe vedlikehold på brygga på Memurubu. Ser for meg 2 turer (2 dager) med jobb. Det er fronten på brygga som må forsterkes og det er en stor fordel å ta fra isen. Det et snakk om restaurering/ forsterking. - - -

Ser for meg like før Påske eller like etter Påske (om isen holder)..»

Heimelsgrunnlag

Delegering

Nasjonalparkstyret har delegert forvaltningsmyndigheit for Jotunheimen nasjonalpark og Utladalen landskapsvernområde i medhald av vedtekter revidert 13.08.2015.

Etter vedtak i Nasjonalparkstyret for Jotunheimen og Utladalen den 11. mai 2016 er myndigheit til å treffe vedtak i saker som gjeld søknad om løyve etter dei spesifiserte dispensasjonsreglane om motorferdsel i verneforskrifta delegert til nasjonalparkforvaltar.

Verneforskrift for Jotunheimen nasjonalpark av 14.11.14

Restaurering av eksisterande anlegg er direkte heimla i verneforskrifta § 3 pkt. 1.2 a):

«Vedlikehald av bygningar, anlegg og innretingar som ikkje fører til bruksendring. - - »

Verneforskrifta § 3, pkt. 6.1, set eit generelt forbod mot motorferdsel i nasjonalparken.

I medhald av § 3 pkt. 6.3 f) kan forvaltningsstyresmakta gi løyve til:

«Bruk av beltekjoretøy på vinterføre eller luftfartøy for transport av materialar til vedlikehald og byggearbeid på bygningar, bruer, anlegg og innretingar.»

Forvaltningsplan

Utkast til forvaltningsplan for Jotunheimen og Utladalen (2008) har som overordna mål at det skal vera *«minst mogleg motorisert ferdsl i nasjonalparken og landskapsvernområdet.»*

Kap. 8.15.5 Dispensasjonspraksis pkt. b) viser til at *«det vil vere vanskelegare å få dispensasjon i sone utan tilrettelegging og inngrep, og i område og til årstider og til tider då det er mange som ferdast i eit område, som i fellesferiar, høgtider og helgedagar og evt midt på dagen.»*



Vurdering:

Verneforskrift for Jotunheimen nasjonalpark opnar for at det kan gjevast løyve til motorisert transport på vinterføre for nødvendig vedlikehald. Transport etter isen på Gjende blir ikkje vurdert å vera i konflikt med dei miljørettslege prinsippa i naturmangfaldlova §§ 8-12. Det er ikkje registreringar av sårbare artar i Artskart eller andre databasar i høve til ferdsel i dette området. Motorferdsel på helgedagar/feriar er lite heldig, og transporten bør derfor utførast på vekedag, i tråd med retningslinjer i forvaltningsplanen.

Vedtak

Det er på grunnlag av dette gjort slik delegert vedtak:

Med heimel i verneforskrift for Jotunheimen nasjonalpark § 3 pkt. 6.3 f) får Gjendebåten v/ Harald Rune Øvstedal dispensasjon for bruk snøskuter for nødvendig transport i samband med vedlikehald på brygga i Memurubu våren 2018. Løyvet gjeld med følgjande vilkår:

1. Løyvet gjeld for 2 dagar, og må vera avslutta seinast torsdag før påske (22.mars). Alternativet er gjennomføring rett etter påske, frå tysdag 3. april.
2. Transporten skal utførast på vekedag (måndag-fredag), og det skal takast omsyn til fugle- og dyrelivet og til andre brukarar av området.
3. Statens Naturoppsyn v / Rigmor Solem skal ha melding om dato for kjøring seinast dagen før. Mobilnr. 959 65 158 eller e-post rigmor.solem@miljodir.no
4. Løyvet skal takast med under transport og skal kunne visast fram ved ev. kontroll.

Løyvet gjeld i høve til verneforskrifta. Vågå kommune vurderer om det i tillegg er behov for behandling etter forskrift til motorferdsellova.

Vedtaket kan påklagast etter reglane i forvaltningslova. Eventuell klage skal stilast til Miljøverndirektoratet, men sendast via nasjonalparkstyret innan 3 veker etter motteke vedtak.

Med helsing

Kari Sveen
nasjonalparkforvaltar

Etter våre rutinar er dette brevet godkjent og sendt utan underskrift

Kopi til:

Vågå kommune	Edvard Storms veg 2	2680	Vågå
Vågå fjellstyre	Postboks 16	2684	VÅGÅ
SNO v/ Rigmor Solem			
Lom kommune	Midtgard	2686	LOM
Lom fjellstyre	Postboks 94	2686	LOM
Fylkesmannen i Oppland	Postboks 987	2604	LILLEHAMMER
Magnus Snøtun			